

Nanzdanh: Bak Boux Canjnieb Gunghyinz Lwnh Gij Cingsaenz Ngeihcib Daih

3 nyied 21 hauh, Nanzdanh Yen Cungjunghvei guh aen hozdung bi 2024 bak boux canjnieb gunghyinz Gvangjsih lwnhgangj bak ciengz “gij cingsaenz Ngeihcib Daih”. Baez hoihlwnhgangj, gij vunz aen donz senhconz hopndaet gij cingsaenz Ngeihcib Daih Aendangj gangj 《Swnghcanliz Akmoq: Aen Fuengyengq Moq Ginhci Saeddaej Hwngfat Youh Ndei Youh Vaiq》. Baezlaeng, Nanzdanh Yen

Cungjunghvei yaek laebdaeb guh gij hozdung lwnhgangj lai cungj lai yiengh、neiyungz lai haenx, doidoengh gij cingsaenz Ngeihcib Daih Aendangj haeuj sim、haeuj uk, hawj gyoengq canjnieb gunghyinz sim hoengz guhhong, roengz-rengz cauhamoq, ok rengzhung coicaenh gij ginhci saeddaej Nanzdanh hwngfat youh ndei youh vaiq.

(Lij Yangz/李洋)

► Bouxlwnhgangj lwnh swnghcanliz akmoq dwg gijmaz.



Seizcin Mbaet Maksang Bae Lajmbanj Youz

Rumzcin cisisi seizcin daeuj, doengh aen suenmaksang hunghung iqi laeng Ningzmingz Yen hai suen mbaet mak lo. Gij maksang diemzvan、raemx lai、ndeigwn de yinx haujlai hekyouz daeuj mbaet mak、guhcaemz. Seizcin vunzlai engq maij bae lajmbanj lijyouz, neix caemhcai gyavaiq saedyienh saenqhwnz lajmbanj.

(Couh Yizganh/周贻刚)

► 3 nyied 23 hauh, hekyouz youq ndaw suenmak mbaet maksang.



Cunghsanh Yen Saedguh Aen Hozdung Gaijbienq Gij Fungsug Sibgvenq Gaeuqgeq

Mboengqneix, Cunghsanh Yen Vahsanh Yauzcuz Yangh guh “aen loqsiengj Cungguk raeuz—vwnzva haeuj fanh gya” couqmaenh gij eiqsik caezcaemh Cunghvaz Minzcuz caeuq aen hozdung “rumz moq vwnzmingz haeuj fanh gya” gaijbienq gij fungsug sibgvenq gaeuqgeq de. Hozdung miz doengh gij biujyienj ndei yawj lumjbaenz 《Fwen Gingqlaeuj Yauzcuz》《Mbanjyauz Vuenyungz Moq》. Bouxgagnyienh lij lwnh gij cihsiz ancienz vangjloz, dazyinx vunzlai vwnzmingz hwnjvangj, mbouj yawj mbouj cawx gij saw gij bauqceij daengj doxgaiq miz haih haenx. Cunghsanh Yen yaek guh lai cungj vwnzdij gagnyienh fugsah hozdung, coicaenh minzcuz doxgiet baenaj, maenhsaed doidoengh hong gaijbienq gij fungsug sibgvenq gaeuqgeq de, hawj vunzlai engq rimhoz、engq vuenyungz.

(Liuz Vwnzveih/刘文辉)

Lungzswng: Beixnuengx Dungcuz Angq Gvaq “Cietcaeqsaz”



▲ 3 nyied 24 hauh, haujlai hekyouz daeuj Lungzswng Gak Cuz Swciyen lijyouz guhcaemz.

3 nyied 24 hauh, Lungzswng Gak Cuz Swciyen Lozgyangh Cin Mbanj-baujcwnz angq gvaq aen “cietcaeqsaz” cienzdoengj de. Ngoenzde, vunzlai gak minzcuz diegde ndang daenj buhvaq gyaundeix doxcomz giz ndeu, eu fwen、diuq foux、guh minzsug liebbyaij daengj, mbaenjgouz rumz fwn yinz、haeuxliengz baenz. Hozdung yinx daeuj haujlai hekyouz youq neix lijyouz daejniemh yienghndei minzcuz. Vahdung “Sazsui” couhdwz buzdaix、buzcoj. Youq dieg de, “cietcaeqsaz” dwg aen ciet youqgaen ndeu, gaenq ndaej senjhaeuj aen mingzloeg feihyiz swcigih.

(Veiz Gizyangz/韦吉阳)